


地藏菩薩本願經綸貫

《地藏菩薩本願經綸貫》綱要

壹、前文開導

貳、通釋名題



(如科判表一)

叁、總示觀法 — 二總示觀法者

肆、別解經文 — 三別解經文者




(如科判表二)


伍、結示發願

《地藏菩薩本願經綸貫》通釋名題與別解經文科判表

○表一



○表二



地藏菩薩本願經綸貫

二〇二一年八月初版

○將釋此義，大科分五：

壹、前文開導

貳、通釋名題

參、總示觀法

肆、別解經文


伍、結示發願


今初。


《地藏菩薩本願經綸貫》

清·靈藥大師 撰述

壹、前文開導







貳、通釋名題

◎一、釋名 釋名為二
初釋別題
次釋通題

○初、釋別題

釋名中
地藏菩薩本願六字是別題。別諸經故
經之一字是通題。通餘經故

別題復分
法 人
地藏菩薩是人
本願是法
原此經名
佛自結三種
一名地藏本願
亦名地藏本行
亦名地藏本誓力經

今獨標本願一名者
以願必行行
行成必有與拔之力
故舉本願一名
任運攝得餘二
人名復分
通 別
地藏是別
菩薩是通

△初、釋地藏之名

地藏之名
準佛說八大菩薩曼陀羅經。應云乞灑(二合)訶羅惹。義翻地藏
若準諸翻譯。應言瞿薩翻地。俱舍、或比迦、或摘迦翻藏

經云
如地諸有情
所依一不斷
乃約喻立名也


夫地本一物。而所藏者無量。蓋
為四大之首
元氣所生。萬物之祖
居五行之中
其卦為坤。其德曰母


周易云
至哉坤元。萬物資生
含弘光大。品物咸亨
體用廣厚。德大難名
所以
能持能育
能載能生
此約儒書釋也


若準四念處釋十地云
從初地具有
住持
生長
荷負
義
此則約性為地
因修萬行
果圓萬德
皆具三義
至後究竟。亦具三義


十輪經云
隨所在處
若諸有情
以諸種子
植於荒田或熟田中
若勤營務或不營務
有能至心
稱名念誦
歸敬供養
地藏菩薩摩訶薩者
此善男子
功德妙定威神力故
令彼一切果實豐稔


所以者何














△次、釋本願之法


次釋本願之法








○次、釋通題





——次、「釋通題」竟——
——一、「釋名」竟——

◎二、辯體

○第二辯不思議性識為體者。約三意立

- 一．憑準經論
- 二．迷悟根源
- 三．菩薩本識

△一、憑準經論

本經云。一切眾生未解脫者。性識無定。為善為惡。逐境而生
又云。念佛菩薩名字。歷臨終人耳根。或聞在本識

此識乃的指第八識也

故

毗盧三摩地法
及金剛頂蓮華部心

皆云。是心為何物

煩惱
習
種子

善惡皆由心
心為阿賴耶

起信云

心生滅者。依如來藏故有生滅心
所謂不生不滅與生滅和合。非一非異

名為阿梨耶識

則

無明
法性


共住為因。不其然乎

真諦就名。翻無沒識。取不失之義

契師就義。翻為藏識。能含藏諸法種故。蓋此識體具

能藏
所藏
執藏


三法。故名為藏



△二、迷悟根源

言迷悟根源者


起信云




此正維摩所云。從無住本。立一切法也


荊溪釋曰


無明為一切法作本。無明即法性。無明即復以法性為本
當知諸法亦以法性為本。法性即無明。法性復以無明為本











然
 竝由理具
 方有事用
 故
 法性借力
 助于無明
 方成六道染法
 今立此性識為體
 正為利根人即事顯理故


大經云
 十二因緣名為佛性
 無明與愛。是二中間。即是中道
 但理無所存。徧在於事耳
 今既事全是理。則識即是性
 胡為不許立體

故知
 識性
 性識
 俱可為體
 但今就賴耶迷邊
 無明作本立法之意
 既符經論
 不違祖誥故也

若乃指性識之性為虛妄習性
 意或未逮
 何以言之
 以
 虛妄習性
 一向無定
 今奚復責無定乎


此既指為虛妄
 則下
 志性無定之性
 亦虛妄矣
 既是妄性。用志何為
 須知此性。即是法性
 法性既為無明所覆。全體屬妄
 故言性識。豈非真如隨緣之義乎


故妙玄引光明云
 無明體相。本自不有
 妄想因緣。和合而有
 不善思惟
 心行所造
 如幻師在四衢道
 幻作種種
 象馬纓珞人物等




◎三、明宗


○第三明不思議行願為宗者











◎四、論用

○第四論不思議方便使用者

準經

佛告地藏菩薩云。吾於五濁惡世。教化剛強眾生。令心調伏。分身千百億。廣設方便。又告四天王云。如是菩薩。於娑婆世界閻浮提中。百千萬億方便而為教化。又告地藏。汝須百千方便。勸是等人。又云。菩薩以方便力。拔出根本業緣。又菩薩方便力故。使令解脫。地藏自云。我亦百千方便。度脫是人等。故以方便為今經之用也。

梵語漚和俱舍羅

此翻方便

吾祖智者。以三意釋之

一曰、方者。法也。便者。用也。巧用諸法。隨機利物

二曰、方便者。門也。門名能通。通於所通。方便權略。為真實作門。真實得顯。功由方便

三曰、方者。秘也。便者。妙也。妙達於方。即是真秘


前二釋竝非今品意


後一釋正是今品之意

亦可具足用彼三意

例如維摩所說。方等初開


故荊溪作進退之釋。容與取門秘之談







◎五、判教相

○第五判無上醍醐為教相者





答。此有據



案升忉利經。三月安居。則知說行法畢。即日往忉利

案此經

三月將盡

欲入涅槃

乃是此年二月

十四日下閻浮提

十五日入涅槃

故涅槃經云

二月十五日

將入涅槃

今經乃是

佛在忉利天為母說法時
眾集現瑞。分身地藏來集而說

故此經的在

法華經後

涅槃經前

明矣

不屬醍醐

待收何味

問

約時收經。殊為有據

然觀經文。前後略無開顯之辭

何可同二經時味耶

答

法華大收

涅槃拈拾

所應記者。皆已記訖

佛今上升忉利。為三事故

一、為母說法。所以報鞠育之恩。酬劬勞之德。將以勵後世無恩之人也

二、為慰別天神。所以報一期擁護。併囑末世比丘託令衛之。無魔事也

三、為六道辛苦求出無期。付囑地藏教護。以待彌勒下生

正顯我佛慈悲。臻後劫也

何必

更有顯決之文
當以像法決疑
方許判屬醍醐
行法經等例觀
則羣疑自息矣

問

孤山判楞嚴入醍醐
準彼聞妙蓮華同佛知見之說
似有憑據

何故東湖非之曰

一化終窮。在乎開顯
開顯之妙。功歸法華
自餘諸經
有圓說者
皆方等四教談圓之義

而

孤山乃欲以楞嚴
同法華醍醐之味
是不思方等收經
而有失法華淳一無雜之旨

今觀地藏隨機說法
允屬方等四教並談
今判類彼。得無有孤山之失乎

答

楞嚴一經

賓主徵辯心見之文
後明三科七大
的是方等彈斥之餘
宛合般若蕩相之說


聞妙蓮華之語

此乃通五時中通後之義

允屬法華之後

豈得判同法華

東湖駁之。文義俱當




—— 五、「判教相」 竟 ——


—— 貳、「通釋名題」 竟 ——

叁、總示觀法

◎二、總示觀法者









今準佛說八大菩薩曼陀羅經云

於如來前觀地藏菩薩

頭冠瓔珞。面貌熙怡。寂然愍念一切有情
左手安臍下托鉢。右手復合掌向下。大指捻頭指。作慰安一切眾生想

釋曰

頭。即一切種智

冠。即毗盧法性

瓔珞（梵名吉由羅。或枳由邏）。表總持四陀羅尼（一法、二義、三呪術、四忍）

以表種智。從法性而成。故能總持一切法門也

面貌熙怡。表從心所現慈悲相好。蓋

一身之相。以面為要
諸法所依。以心為體
相逐心生。故以表心

寂然等者。表菩薩自住三摩地。六道以苦緣而感。菩薩以大悲而應也

左右二手。表權實二智。實智內自照理。權智外以鑒機

臍下托鉢。表性識所具如來藏也

內空外圓。表自他同具空如來藏。圓同大虛。無缺減也

內可藏物。表不空如來藏。具足河沙性功德也

大指捻頭指者。表迷悟一如。因果相合。而慰安六道眾生。勿憂惱也

次觀本願法者

占察經云。若欲依

一實境界
修信解者

應學習二種觀道

一、唯心識觀
二、真如實觀

唯心識觀者。謂於

一切時
一切處

隨

身
口
意

所有作業。悉皆觀察

知唯是心隨一切境界

隨心有所緣念
還當使心隨逐彼念

令心自知

知己內心自生想念
非一切境界有念有分別也

而

一切境界。未曾有想起於分別
一切法。唯心想生

若使離心

則無一法一相
而能自見有差別也

知唯妄念

無實境界

勿令休廢。是名修習唯心識觀

真如實觀者

思惟心性
無生無滅


不住


見聞
覺知

永離一切分別之想

漸漸能過四空等境界相。得相似空三昧

得此三昧。識想受行能分別相不現在前





今觀地藏。即是分證等覺之人法

行人
能觀人法
全然是心
如如意珠
無不具足
即空假中
始從觀行
而至分證

與地藏本願
一而二
二而一
者矣

故曰
不表觀法
何以用心
此托事附法觀之大途也

總題既爾。別文亦然

始從如是
終至而退
中間
若人法
若識心
若善惡
若凡聖
淨穢
因果
香華
飲食
種種差別法門
莫不入心成觀
如破一微塵
出大千經卷


故於
聽聞、讀誦
禮拜、供養
心不他緣
從心顯發
方名
全性起修
全修在性
則免貧人數寶之誚矣

故於文前點出
以見立教
正為觀心
詳如一家
大小諸部
若欲修習。須近善師
涅槃妙因。在此而已矣

——參、「總示觀法」竟——

肆、別解經文


◎三、別解經文者



○一、序分

△釋忉利天宮神通品第一

初釋忉利天宮神通品。即序分也



忉利。正言多羅夜登陵舍。此翻三十三

淨名疏云

若此間帝釋

是昔迦葉佛滅後

有一女人發心修塔

復有三十二人發心助修

修塔功德為忉利天主
其助修者作輔臣
君臣合之名三十三天

即正法念經所列帝釋

中住善法堂天
四峯三十二天

所謂住峯天等。

梵語提婆。此云天。天然、自然、樂勝、身勝故

宮者穹也。屋見於垣上穹隆然也

上穹下合。人居其中从宀(音綿。交覆深屋也)

象覆幬其下二口
象別內外界限

立世阿毗曇云

忉利天
善見城

周圍四方十千由旬

純金為城。城之四面。為千門樓
中央金城。帝釋住處。凡五百門

種種寶莊
不可具述

是城中央寶樓重閣

長五百由旬

皮禪延多重閣

廣三十由旬

名皮禪延多樓

廣二百五十由旬(云云)

最上當中央圓室

周圍九十由旬


高四十五由旬

是帝釋所住處。竝是

琉璃所成
眾寶廁填

如來升坐於此

為聖后說法。乘時現通之處也



○二、正宗分

△初、釋分身集會品第二

緣由既起
正事宜彰

地藏分身。乘時集會

其事無非皆為地藏

故居正宗之首

身者。人之區宇也

各一乾坤

中象其心

身之主宰也

然吾人
由業所感
因茲合會
託三緣而賦質
搏四大以成形
斯乃
諸惡之源
眾苦之本

菩薩之身。從無量功德生

├── 由中道業識

└── 現相好光明

└── 即法身也

分者。施也、別也。

如海一源。施開萬派。

如天一月。影現百川也。

集者。同也、聚也

如
天日將暝
眾鳥同歸
聚集樹木之上而棲息也

會者。總也、合也。

周禮云。時見曰會

蓋

佛日將沒

大地欲暗

菩薩鳥王

率眾同歸

棲息之所

總合而會見也

原其分散。則從體起用。從本垂迹

集會。則攝用歸體。攝迹會本也

方其分散。則一為無量

一為無量。則一不為一

一多無礙

在今集會。則無量為一

無量為一。則多不為多

舒卷自由

威德神通。不可思議

感應道交。賓主嘉會者矣

故曰分身集會品第二

地藏分身既集
如來摩頂告言

以己累劫分身之勤苦
慰彼末世拔濟之因緣
天宮合身受教
待遇彌勒授記

憶念付囑
盡命護持

良由法界六道眾生。因

惑
業
苦

三道迴旋。致

畜
鬼
獄

三塗流轉

然眾生受苦之處
正菩薩攝化之門

故下

業緣
業感
獄名

三品

為同體慈悲之要道
作幽冥教主之良緣

故云眾生乃成佛道之增上緣
豈虛語哉

維摩云。諸佛解脫。當於眾生心行中求。斯之謂也

又此三障。互相由藉
因惑造業。由業招苦

是以三品鱗次而來也

△二、釋觀眾生業緣品第三

今先釋觀眾生業緣品

梵名僕呼繕那。此云眾生

法華文句
準中阿含

有三釋

劫初光音天下生世間。無男女尊卑。眾共生世。故言眾生。此據最初也
若攬眾陰。而有假名眾生。此據一期受報也
若言處處受生。故名眾生者。此據五道流轉也

業者。作動名業

妙玄云

運動 經營 構造

三業。建創諸惡。名之為作

剋實而論
體即是思

動身之思
發語之思
及思當體

三皆言業

故知身等非即是業。動身等思。方名為業

緣者。互相由藉之名。而

其親能生起之因
實無明顛倒心耳

因心起業


身還造業以受形


昇沉隨業


因業受身

形復從心而作業

苦樂從心







△三、釋閻浮眾生業感品第四

上品明因惑造業

此品明由業感果

形端則影直

感應之道。不爽毫末

源濁則流昏

閻浮具足應云閻浮提。此翻勝金

閻浮。樹名

此洲之上。有此樹林

提。洲名

林中有河。底有金沙

名閻浮檀金

以閻浮樹故

有五百小洲圍繞。通名閻浮提

名為閻浮洲

西域記云。南瞻部洲以此土無相當故不翻。唯記音義中

翻為穢樹

而義無出

今準長水曰。閻浮果汁點物成金

因流入河

是取果汁點染為穢之嘉稱

染石為金

不可秋深葉落污池之惡名也

余考立世阿毗曇云

昔王舍城

具神通力。共為朋友

有兩比丘

往看彼樹。遂至樹所

見樹果熟墮地而破

其一比丘。從其蒂孔授手至中。其最長指猶不至核。牽手而出。為果汁所染。手甲皆赤。時有一人。名曰長脛。行至樹邊。取一果子。還奉世尊。

佛受此果。破為多片。施諸大眾。果汁染於佛手。

佛以此手擊於巖。至今赤色。如昔不異。濕亦不燥。掌迹分明。

因昔分果為片片故
因名此石為片片巖

此文足證點染為穢之旨

感者。天機觸動也。

从心 从咸
交相感也

人與天地萬物同體

非兩。何以為感
非一。何以能感

感生於寂。故曰寂然不動

學者當立其天根
又从心咸內者何

感而遂通。則主寂而感客

咸皆也。皆心之所動而感也

起信云。不知真如法一故

不覺心動
動則有苦
果不離因故

南嶽云

隨緣不變名性
不變隨緣名心
豈非心動而感乎

經云

一切眾生
未解脫者
性識無定
為善 為惡
逐境而生。是也

若通論十界眾生。俱為業感

止觀云

業有三種。謂

漏業（六凡）

無漏業（二乘）

非漏非無漏業（菩薩）

感於三土。謂

分段
方便
實報

報由三種煩惱。謂

取相

塵沙

無明

據此則

如來三惑已斷

無漏清淨慧業

感生寂光土矣

拾遺記云。今家妙解華嚴心造。乃有二義

一者。理造。造即是具

二者。事造。通於三世。造於十界

謂

過造於現

過現造當

現造於現

皆由理具

方有事造

故十界身

一一皆是

全性起修

雖全是性。而

因成感果

無少差忒

故十界身

皆有假實

及以依報

無有一物從外而起

經云。未見

他作我受

我作他受

乃自作自受耳

故佛告首迦長者云。一切眾生

繫屬於業
依止於業
隨自業轉

以是因緣。有

上
中
下

差別是也

問。業感既通十界。何故獨標閻浮眾生

菩薩必定

十身利生
四土攝物

今獨言閻浮者

以此眾生易造感極苦之業
故大士悲心偏向之

何以明之

餘國土中

或純是菩薩
或三乘共居。即凡聖同住
或造業輕微

惟有娑婆

凡十方國土
之所不攝惡逆眾生

皆托生此土

又一一四天下。而不言餘三者

答

如長阿含云

東弗婆提人多欲者。一生數至六七。亦有修行至死無欲

西洲造業甚少

北洲聖人

不生
唯南洲人舉心動念。無非是罪

脫獲善利。多退初心
若遇惡緣。念念增益

故特標之

益見地藏大聖

以平等慈。分身沙界
而悲心偏向南洲有情

故云閻浮眾生業感品第四

△四、釋地獄名號品第五

上論業感

通論十界 就六道論。三善苦樂相間。三惡純苦無樂
別論六道 即於三塗。鬼畜之苦稍輕。地獄之苦最劇

本經云

罪苦之事。不忍稱說
百千歲中。卒白難竟
故普賢 既聞業感之品 輒問地獄之名 意有在也

立世阿毗曇論云。地獄

梵名泥黎耶
正音那落迦。或捺落迦 此云無有

新婆沙論云。彼諸有情

無悅無愛
無味無利 無喜樂故

舊婆沙名不自在。謂


彼罪人為獄卒
阿傍之所拘制 不得自在故 此皆約正報義翻也


地獄之處


依本經在三海之內
準新婆沙在此瞻部洲下

妙玄云

此正地獄。在地下二萬由旬
其傍地獄。或在地上。或在鍤圍山間 今 從多為言 名地獄耳







△五、釋如來讚歎品第六

上文業緣等三品

皆地藏不思議威神之力

已開三道成三德

故如來於人天大眾之前。特申讚嘆

一・顯地藏無數劫來慈悲神力

二・勸未來眾生。供養得福。故有此品之來也

梵語

多陀阿伽陀
或怛闍阿竭

秦言如來

如來
假名也

名必召實。而有

法 報 化

三身不同

金剛經云。無所從來。亦無所去。故名如來者。此指法身也

若第一義諦名如。正覺名來。名如來者。此指報身也

若云乘如實道來成正覺。名如來者。此指應身也

今夫天宮讚歎之佛。應指何身

須知經在法華之後

則天宮大眾。竝是圓機
皆以業識見相。住中道實理

即此色應便為尊特


當同龍女所謂

微妙淨法身
具相三十二

相相如海
不須現起

方名尊特

即釋迦境本定身
而是圓實部主之真身也



△六、釋利益存亡品第七

前品既讚歎威神之力

今明利益存亡。以顯其實

古聖云

駕之於空言

不如見之於實事

今明利益存亡者。

乃見之於實事也

利者。自私也

物各自遂。則易以私。古人嚴為之禁

从物（古制字）轉注。以刀求利。則害至矣

益者。進也

衡水於皿上。適充其量而止

虛則尚可受。滿則不可復容

故又為泛益之益。別加水作溢、非

存者。在也

獨取於子者。彰父母之憂勤也。从才。取意也

父母生子。常恐未知存亡。幸而不短折。至於成才而後喜可知也

亡者。失之也

存取諸子

亡本諸親

孝子親死


既殯。猶若臥然

既葬。反而求之弗得

若其入於土（隱字）然。乃祭以求之

事亡如存。猶望其親去而復還也

此依俗釋



△七、釋閻羅王眾讚嘆品第八

閻王品列在後者有二意

一者 始自分身地藏 王與鬼眾隨從同到 蓋賓主酬酢 事迹相連 故於此品承便示之

二者 既聞地藏威神之力 潛思大士 行化幽冥 吾為檀主 安可不乘時問明 劫劫度生救苦之事 一申讚嘆乎

故有閻羅王眾讚嘆品第八之來也


閻羅。具足云 閻磨羅 或夜磨盧迦 此翻雙世鬼官之總司 亦云閻魔羅社

此云雙王。兄妹皆作地獄主 兄治男事 又 苦 妹治女事 樂 竝受。故云雙也


若云閻羅。餓魔。聲之轉也 乃鬼趣所收 或地獄趣攝


準淨度三昧經 昔為毗沙國王。與維陀如生王共戰。兵力不敵。因立誓願為地獄主 臣佐十八人。領百萬之眾。頭有角耳。皆悉忿懟。因立誓曰。後當奉助治此罪人

毗沙王者。今閻羅王是 百萬人。今諸小王是 諸阿傍是



△八、釋稱佛名號品第九





稱佛

如小彌陀經云。聞說阿彌陀佛。執持名號。若一日・二日乃至七日。一心不亂等

慈雲懺主云。言念佛者。或但稱名號

執持不散。亦於現身而得見佛
此間現見。多是稱佛名號為上

如懷感法師。一向稱阿彌陀佛名號

而得三昧
現前見佛

故今普示稱佛之法

必須制心不令散亂

念念相續

口中聲聲喚佛

若百聲、千聲、萬聲

若一日、二日乃至七日

並須

一心一意
心口相續

如此

方得一念

滅八十億劫生死之罪

若不然者

滅罪良難

大師釋一心稱名

有事
有理

若用心存念不間。名事一心

若達此心


四種不生(自、他、共、離四種性計)
與空慧相應(四性既離。即知無生)

是理一心

是則

念佛
稱佛

分而不分矣



△九、釋較量布施功德緣品第十

稱佛名號。固為成佛根本

若無福助。則根不深。本不大

安望其開華結果耶

故明較量布施功德。以明緣助也

較者。不等也

量者。寬虛容物也

凡量。皆受法於黃鐘之容（六律黃鍾。十一月。釋名曰鍾空也。空內受氣多。故聲大。白虎通曰。鍾之為言。動也。陰氣用事。萬物動成）

實以子穀秬黍。是生龠（音藥）。合升斗斛。所以量多少也

本起黃鐘之龠。以井水準其概（孟康曰。概欲其直。故以水平之。井水清。清明平也）

合龠為合（音閤）。十合為升。十升為斗。十斗為斛。而五量嘉矣

量多少者。不失圭撮（圭。自然之形。陰陽之始。四圭曰撮。三指撮之也）

然布施乃出世之福

福德即非福德。是名福德

奚事錙銖較量為

當知菩薩摩訶薩

明鑒在會之眾

因是而有四悉檀益

以大悲心。教修福行

福行初門。先行布施

菩薩行般若波羅蜜

智慧明利
能分別施福

施福雖同

福德多少
隨心優劣

故須較量也

布。散也

爾雅云。祭星曰布。謂散食於地。取其象之布也

施。惠也、與也（凡設施之施平聲。施與之施去聲）

但有二三之名不同

二即財施、法施

財謂飲食衣服乃至妻子身命有所須者。悉皆施與。皆名財施

法即世間、出世間種種善法。以清淨心為人演說。皆名法施

三即資生、無畏、法

資生施即上財施

無畏施者。持戒不惱無冤。忍辱不報有冤。故無畏

法施者。精進不倦說法。禪定不差機說法。智慧不顛倒說法。與上法施同


然此三施體通六度

若立檀那
餘度俱攝

彌勒般若偈云。檀義攝於六

資生無畏法
此中一二三

名為修行住



約心者

論云。布施有二種

一者淨
二者不淨

不淨者

直施而已或為失財故與
或親愛故與
或不一心、不恭敬、輕賤受者
與淨相違
名為不淨

淨施者

治心故施
莊嚴意故施
為得第一利故施
生清淨心、能分別、為助涅槃故施

譬如

新華未萎
色好且香
淨心布施。亦復如是

如

舍利弗以一鉢飯上佛
佛即迴施狗
問舍利弗。汝以飯施狗。我以飯施狗。誰得福多
舍利弗言。佛施狗得福多

以是故

知大福從心。不在田也
以心為田主。田是外事故

良田雖得福多。而不如心。有如是差別。故須較量

大要

了四相之原空
達三輪之本寂
體財即法
無住生心
是布施第一義門
故明較量布施功德緣品第十

—— 二、「正宗分」竟 ——

○三、流通分

較量施福。助成佛道。則地藏本願之大意昭明
付囑已竟。大士承領。則一經正宗之大事已訖

此下三品。皆為流通此經也

而地神首為護法者

故率先護之

南閻浮提是其所主

使後世修行無障

在在宣通也

△初、釋地神護法品第十一

今

先明有地之由

次釋地神之義

抱朴子云

大極初構

清濁始分

故天先成而地後定

魏子才釋之曰。大氣之質也

人有恒言曰。混沌初分

其輕清者為天

而重濁者為地

未知其本無二也

今夫天。通宇宙全體。是其周身也

氣無厓而形有厓。故

人身外裏
而心中虛
天之
大氣
包運無外

而形質結於中央成地

萬物非此

因而稱乾父坤母

此儒家之精義也

無以生養

實則天地一身也

然未知天地之原。誠由眾生業感乎

覺明空昧。相待成搖。故有風輪。執持世界

因空生搖。堅明立礙。彼金寶者。明覺立堅。故有金輪。保持國土

堅覺覺成。搖明風出。風金相摩。故有火光。為變化性

寶明生潤。火光上蒸。故有水輪。含十方界

乃至交妄發生。遞相為種。以是因緣。世界相續是也

楞嚴云

既有其地。必有主地之神

神

以主宰為義

得天之陽氣而靈通者

然地神頗多

若主南閭浮提。名堅牢地神

若約法門明之

前四天王於正說中發問。乃住善權道。為眾生法父
此地神於流通讚勸。住善實智道。為眾生法母

以天王是陽故如父。地神是陰故如母。此約世界悉檀釋也

譬如陰陽覆載卉木。智度養育。出生眾善。此約為人悉檀釋也

餘度各有所主。實智照了。無相無名。此約對治破惡悉檀釋也

餘度有等有上。智度無等無上。是究竟度。此約第一義悉檀釋也

以具四悉檀義。故能為神

主閻浮提。而護本願法門

故言地神護法品第十一

△二、釋見聞利益品第十二

前品護法。端為流通

若見若聞。皆霑利益

目光所照曰見。見屬於眼

自耳通心曰聞。聞屬於耳

从人 主之者心也

从目 使其形者也

聞。从耳从門者。此教人


開廣胸襟 闢其四門 用天下之耳為吾耳 廓然天下一家矣

此雖俗釋。而與吾道懸會


若吾人於


見色 聞聲 之際。了知一一皆心


心尚叵得 即此見聞 見聞何有 非見聞矣





△三、釋囑累人天品第十三














—— 三、「流通分」竟 ——
 —— 肆、「別解經文」竟 ——

伍、結示發願

已上品目生起。如綸貫穿
攝持一句法言。諸妄銷落

所集功德
不為自求
願與法界眾生
同向蓮池海會
莊嚴淨土
記荊親承

然後
迴入娑婆
分身塵刹
亦如地藏薩埵
救苦六道眾生

虛空有盡。我願無窮

—— 伍、「結示發願」竟 ——

—— 「地藏菩薩本願經綸貫」 竟 ——